

SECUNDA RHENI TABULA.



Continet hæc tabula Marcam Badensem, Vualsgoiā, Vuestricham, ditionem principis Palatini, &c. Therma Badenses, ubi Marchio ipse residere solet, inuentę dicuntur tēpore Antonini imperatoris, circa annū Christi 126. Otto autem tertius imperator, longe postea erexit circumiacentē regionem in Marcā, additis oppidis aliquot, præcipue Stollhofen & Etlingen, quæ antea fuerūt abbatis Vuilsenburgenſis. Fridericus uero secundus, cum defecisset comitatus Kriechgoiensis, adiecit Durlacum & Heidelberg, Porro Rastet & Cuppenheim accesserunt ex ditione Eberstein, sicut Phortzen & Cell ex ducatu Sueuico. Nouissime accesserūt regiones Hochberg & Roetelen.

PALATINATVS.

Fuerunt olim multi & uarij comites Palatini, nempe palatini à Vuittelspach, palatini à Thubingen, palatini à Schiern & palatini à Rheno, quorum omnium successiones iam dudum defecerunt, præter Palatinorum Rhenensium, sed qui & ipsi sæpe defecerūt, & hodie quidē nulla nominis eorū extaret memoria, nisi electionis dignitas principatum illum sustinuisset. Primus palatinus comes & elector (eos enim qui fuerunt ante Ottonem tertium hic omittimus) fuit Henricus appellatus, cui successit priuignus eius Sifridus, pater sanctæ Kunegundis. Nam scribunt, quidam, memoratum Henricum uxorem duxisse, relictam principis Brabantini, & filio eius Sifrido tradidisse Palatinatum. Sifridus reliquit duos filios, Ezelinum & Conradum. Qui cum sine hærede decessissent, Henricus dux Saxonie & dux Bauarie, cognominatus superbus, adeptus palatinatum, ob superbiam suā à Friderico primo anno 1180 rursus hac dignitate priuatus est, tradiditq; imperator palatinatum fratri suo Conrado, duci Sueuic, qui postea anno Christi 1204. sepultus fuit prope Heidelbergum in monasterio Schoenavvensi. Hic Conradus reliquit unicam filiam, Agnetem nomine, quam duxit uxorem Henricus dux Saxonie, filius Henrici superbi, factusq; est per eam comes Palatinus. Et cum iste Henricus aliam sobolem præter filiam Gertrudem nō haberet, translatus fuit per eam palatinatus ad Ottonem ducem Bauarie & comitem à Schiern, cui matrimonialiter fuit iuncta, anno scilicet Christi 1225. Huic successit in utroq; principatu filius eius Ludouicus, qui et ipse filium Ludouicum nomine, utriusq; principatus hæredem reliquit. Et hic Ludouicus duos habuit filios, Ludouicum, qui ducatum Bauarie retinuit, & Rudolfum, qui partem aliquā in Bauaria cum palatinatu possedit. Et ab eo tempore usq; in hodiernum diem Bauarie ducatus sequestratus fuit à palatinatu, tam & si tituli nō fuerint discreti. A memorato enim Rudolfo progeniti sunt omnes principes palatini, qui hodie extant. Et licet ipse Rudolfus per fratrem suum Ludouicum imperatorem & ducem Bauarie pulsus fuerit à palatinatu, eo quod suffragium suum in electione non dedisset ei, filij tamen eius ob id nō fuerunt spoliati ditione patris, sed successerunt ei Rudolfus & Rupertus, tertius uero Adolfus nomine, licet fuerit secundo natus, cessit tamen post præmaturam mortem Rudolphi primogeniti Ruperto, quod is prudentior & regimini aptior esset. Hic Rupertus anno Christi 1346 instituit in Heidelbergensi oppido studium uniuersale. Et cum nec ipse nec Rudolfus prolem masculam relinqueret, factus est post mortem eius princeps elector Rupertus Adolphi fratris filius: qui ducens uxorem